

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona na 144. sjednici održanoj dana 15.01.2014. godine, d o n o s i

ZAKLJUČAK

I.

Utvrđuje se tekst Obavještenja o podnošenju pijedloga tražitelja izvršenja Vladi Zeničko-dobojskog kantona za zaključenje vansudske nagodbe za izvršenje novčanih potraživanja koja su određena rješenjima o izvršenju nadležnog suda na osnovu pravosnažnih sudskih odluka (daljem tekstu: vansudska nagodba), a koje je sastavni dio ovog zaključka.

II.

Obavještenje iz tačke I. ovog zaključka objavit će se na web stranici Zeničko-dobojskog kantona, u jednim dnevnim novinama i Službenim novinama Zeničko-dobojskog kantona.

III.

Zadužuju se Stručna služba Vlade-Odjeljenje za informatičku podršku, Služba za zajedničke poslove i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti.

IV.

Zaključak stupa na snagu danom donošenja.

Broj: 02-14-1157/14.

Datum, 15.01.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za pravosuđe i upravu,

1x Kantonalno pravobranilaštvo,

1x Ministarstvo finansija,

1x Stručna služba Vlade-Odjeljenje za informatičku podršku,

1x Služba za zajedničke poslove,

1x Službene novine Zeničko-dobojskog kantona,

1x a/a.

Na osnovu člana 2. Odluke o mjerilima i kriterijima za zaključivanje vansudskih nagodbi na teret budžeta Zeničko-dobojskog kantona („Službene novine Zeničko-dobojskog kantona“, broj: 13/13), Vlada Zeničko-dobojskog kantona d a j e

O B A V J E Š T E N J E

I.

Obavještavaju se svi tražitelji izvršenja (povjerioci) da mogu podnijeti Vladi Zeničko-dobojskog kantona prijedlog za zaključenje vansudske nagodbe za izvršenje novčanih potraživanja koja su određena rješenjima o izvršenju nadležnog suda na osnovu pravosnažnih sudskih odluka (daljem tekstu: vansudska nagodba).

II.

Prijedlog za zaključivanje vansudske nagodbe podnosi se u pisanoj formi koja sadrži oznaku i broj izvršnog naslova i izjavu o:

1. spremnosti za najveće procentualno odricanja od visine ukupnog duga
 - a) ili dijela glavnog duga,
 - b) i/ili dijela ili u cjelosti pripadajuće zakonske kamate,
 - c) i/ili dijela ili u cjelosti sudskih troškova,
2. suglasnost na isplatu usaglašenog iznosa duga u dogovorenim ratama,
3. suglasnost da će nakon zaključivanja vansudske nagodbe povući prijedlog za izvršenje podnesen nadležnom sudu.

III.

Rok za podnošenje prijedloga Vladi Zeničko-dobojskog kantona za razmatranje prijedloga za zaključenje vansudske nagodbe je do 28.2.2014. godine.

Prijedlozi se podnose poštom ili putem protokola Kantona, na adresu; Kučukovići broj 2, 72 000 Zenica sa naznakom „Komisija za razmatranje prijedloga za zaključenje vansudske nagodbe - ne otvarati“.

Broj: 02-14-1156/14.

Datum, 15.01.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Ministarstvo za pravosuđe i upravu,
- 1x Kantonalno pravobranilaštvo,
- 1x Ministarstvo finansija,
- 1x Stručna služba Vlade-Odjeljenje za informatičku podršku,
- 1x Služba za zajedničke poslove,
- 1x Službene novine Zeničko-dobojskog kantona,
- 1x a/a.